

Programs ladins tla RAI

Ala fin dl ultimo ann ie unì marciadà l program de servisc cun la RAI, pra chël che zapa ite per l prim iede nce la Provincia

RAI - Ai 7 de merz se à la cumiscion paritetica danter Stat, RAI y Provincia ancuntà per l prim iede a Roma per stlari i prim vares per auzé l tēmp de trasmiscion y per n renuvamēt tecnich. I programs de radiotelevijion tla rujeneda tudēscia y ladina dla RAI ie n mpēni che l Stat se ova sēurantēut. Per tenì ite chēsc mpēni à l Cunsēi di Ministri nchinamò finanzia la trasmiscions de mendranza dla RAI, fajan for inò na convenzion danter la RAI y l Cunsēi di Ministri. Tl cuntrat de servisc che ie unì fat ora mo ala fin de dezēمبر dl 2012 iel per l prim iede la Provincia che sēurantol l custimēt dla trasmiscions de mendranza dla RAI de Bulsan. „Chēsta sort de convenzion ie n model defin nuef che porta bele si prim fruc y che fej a na maniera che la RAI posse fé inant si atività,“ dij l vizediretēur generel dla RAI Gianfranco Comanducci. Aldò dl cuntrat de servisc nuef per trēi ani iel udù dant na cumiscion paritetica danter Provincia y RAI per mēter n droa l'acurdanza, y chēsta se à ntant ancuntà per l prim iede tl

palaz Chigi a Roma. Da pert dl Cunsēi di Ministri ie Ferruccio Sepe y Roberto Marino tla cumiscion, la Provincia ie reprejenteda dal diretēur generel Hermann Berger y Klaus Luther, diretēur dla presidēnza dla Provincia. Da pert dla RAI iel deberieda cun Comanaducci nce l diretēur d'aministrazion Luigi De Siervo, l diretēur dla sēnta de Bulsan Carlo Corazzola y Alberto Del Cioppo dla direzion per la cuordinazion dla sēntes destachedes. L duvier te chēsta cumiscion ie de nviē via l aumēt dl tēmp de trasmiscion di programs tudēsc y ladins dla RAI a Bulsan.



La cumiscion paritetica per mēter n droa la convenzion dla RAI de Bulsan à tenì si prima senteda. (foto usp)

La pert de televijion ladina dēssa unì ngrandida da 39 a 100 ěura de trasmiscion al ann, i programs tudēsc de radio da 4.716 a 5.300 ěura. La redazion ladina dēssa pudēi lauré autonomamēter y leprò dēssel unì nvià via n program de sustēni dl personal de rujeneda tudēscia y ladina. „Dajon nce pēis che l vēnie fat n adatamēt a level tecnich y struturel dla sēnta dla RAI a Bulsan,“ sotrissea l presidēt dla Provincia Luis Durnwalder. La segurēza finanzia che vēn a se l dé tres l mpēni dla Provincia lascia per l prim iede nce pro na prugramazion sun n tēmp plu lonch. I pruvedimēnc che ie de bujēn per arjonjer duc chisc fins dēssa unì marciadei ora mēns per mēns te ancuntedes dla cumiscion. La proscima senteda ie ududa dant ai 26 de merz a Bulsan. A Roma iel sēuraprò nce unì fat ora de cherdé ite cumiscions per la mendranzes de rujeneda franzēusa, slovena y furlana. (ufize stampa provinziel de Südtirol)